



## **Kultusminister Tonne tekent "Plattdüütsche Scholen" ut - hier scheert se sik nich blots üm den "Spraakontakt" - nee, se snackt Platt."**

„Platt“ leevt! Jümmer mehr junge Neddersassen pleegt wedder de plattdüütsche Spraak un jümmer mehr Scholen in Neddersassen engageert sik för de nedderdüütsche Spraak in ehr Region. Vundaag an Middeweken (11.05.2022) hett Kultusminister Grant Hendrik Tonne in't Museum Lümborg fief wiedere Scholen erstmals as „Plattdüütsche Scholen“ utteken. Negen vörmals utteken „Plattdüütsche Scholen“ hebbt sik bi dat Förden vun't Lehren vun de Nedderdüütsche Spraak bi ehr Schölers vun Nee'n för düsse Zertifikat qualifizeert. Dormit giff dat in Neddersassen nu 43 in düsse Wies „utteken“ plattdüütsche oder saterfreesche Scholen.

„De as lütt ansehn Lannesspraken Nedderdüütsch un Saterfreesch staht in Neddersassen so as bald keen anner Kulturgoot för Authentizität, Identität un Diversität“, ünnerstreek Tonne bi de Fier to'n Utteken vun de Scholen mit en plattdüütsch Lestheater vun Schölers vun de Hugo-Friedrich-Hartmann-Oberschool in Bewick. En Spraak to wohren bedüüdt ok, dat se lehrt un snackt warrt, so de Minister wieder. „Wo goot un nahaltig sowat sien kann, wiest us de vundaag utteken Scholen. Hier warrt nich blots de Sprachdrepen pleegt, sünnern dat Sprachwarven aktiv un as Deel vun't Schoolprogramm fördert un Plattdüütsch snackt, of dat in'n Regelünnerricht, in Arbeitsgemeinschaften of in Projekten is.“

Dat Land wöördigt regelmatig Scholen, de sik vörbildlich üm de nedderdüütschen Sprachen verdeent maakt hebbt. Blangen dat Utteken as „Plattdüütsche Scholen“ giff dat veele wiedere Akschonen un Programme, üm de Nedderdüütsche Sprachkultur to fördern:

- Dat gifft den „Plattdüütschen Leswettstriet“ mit lanneswiet so bummelig 10.000 Deelnemer;
- Tohoop mit de Landschopen un Landschopverbannen warrt al siet 7 Johr mang de Kampagne „Platt is cool“ de Akschoon “Freedag is Plattdag“ maakt, üm de Regionalspraak in de Ohren un op de Tung vun de Minschen to bringen. Düsse Johr warrt dat Herr Ministerpräsident Weil an’n 09.09.2022 inluden.
- Mang dat Corona-Akschoonsprogramm „Startkloor in de Tokumst“ staht för Programme to’n Fördern vun Nedderdüütsch un Saterfreesch 100.000 Euro för den Utbo vun multimedialen Angeboten un Onlineplattformen, för dat Torechtmaken vun Lehrwarken för den Primarberiek, för en lanneswiet Fackdrepen un för Spraakangebote för Beropen in’n BBS-Beriek to’n Verfügen.
- Dat NLQ büddt regelmatig de Qualifizierungen „Nedderdüütsch“ für Schoolmesters för den Primarberiek un den Sekundarberiek I an.
- 2021 wöör mit Hölp vun’t Kultusministerium in Neddersassen dat nee’e Lehrwark „Snacken-Proten-Kören“ för den Nedderdüütschünnerricht in de Sekundarberiek I rutbröcht.
- Bavento warrt de Ünnerricht in’n Sekundarberiek I mit dat Kloormaken vun curriculare Vorgaven för dat Fack Nedderdüütsch stütt.

### Liste vun de utteken Scholen un wedder utteken Scholen

Schule	Landkreis
Grundschule Fischerhude mit Außenstelle Otterstedt	Verden
Grundschule Habbrügge	Oldenburg
Hermann-Tempel-Gesamtschule (IGS), Ihlow	Aurich
Grundschule im Spiet, Norden	Aurich
Berufsbildende Schulen (BBS) „Gesundheit und Soziales“,	Grafschaft Bentheim

Nordhorn	
<b>Schulen</b>	<b>Region</b>
<i>Kirsten-Boie-Grundschule, Wallhöfen</i>	<i>Cuxhaven</i>
<i>Grundschule Eversen</i>	<i>Celle</i>
<i>Huntetalschule Goldenstedt</i>	<i>Vechta</i>
<i>Kath. Grundschule Peheim</i>	<i>Cloppenburg</i>
<i>Grundschule Middels, Aurich</i>	<i>Aurich</i>
<i>Grundschule St. Franziskus, Werpeloh</i>	<i>Emsland</i>
<i>Edewechter Oberschule</i>	<i>Ammerland</i>
<i>Grundschule St. Heinrich Schule Ellerstedt, Goldenstedt</i>	<i>Vechta</i>
<i>Grundschule Garrel</i>	<i>Cloppenburg</i>

**Henwies:** en Kortportait vun de Scholen giff dat in'n Anhang

**Infos bito:**

Dat Kultusministerium geiht aktuell vun mehr as 300 Scholen ut alle Schoolformen in Neddersassen ut, an de Nedderdütschprojekte in Form vun Wahlpflichtkursen „Nedderdütsch“, Spraakkursen, AG-Angeboten, Immerschoonsprojekten un Ünnerichsprojekten in'n Beriek vun Theater, Musik, Geschicht to en Deel vun't Schoolleven höört. 109 Scholen kreeg nu Anrekenstünnen för Schoolmesters vun een bit dree Wekenstünnen för dat Inföhren vun besünneren Projekten in Nedderdütsch un Salterfreesch. Dorto höört 72 Grundscholen, 32 SEK I Scholen un Gymnasien un ok 5 BBS.

Nr. 050/22 Ulrich Schubert Pressestelle Hans-Böckler-Allee 5, 30173 Hannover	Tel.: (0511) 120-71 68 Fax: (0511) 120-74 51	www.mk.niedersachsen.de E-Mail: pressestelle@mk.niedersachsen.de
---	---	---

**Achtergrund:**

De Regionalspraak Nedderdütsch un de Minderheitenspraak Salterfreesch sünd Utdruck vun Spraken- un Kulturveelfalt in Düütschland. Se waard dör de Europäische Sprakencharta besünners behöödt. De as lütt ansehn Spraken sünd en Deel vun de Mehrsprachigkeit. Wokeen mit twee Spraken, mit Hochdütsch / Nedderdütsch opwasst, lehrt nawiesen lichter wiedere Frömmispraken. Dat Verbinnen to'n Ingelschen is so eng, dat banni gau de Spraakverwandschop wiest warrn kann. Bavento sünd de lütten Spraken in ehr regionale Wiesen wichtige Delen vun de regionale Identität un sünd in Familien-, Flur-, Straten- un Dörpsnamen vun Duur.